

國醫小叢書之十四

謝應材著

發背對口治訣

附外科秘法

上海國醫書局印行

發背對口治訣序

發背對口治訣。為先大父邃齋公所著也。先大父性穎悟。好讀書。常以濟世為念。敦學不怠。屢困棘闈。及先伯父香伯公舉於鄉。始無意進取。惟讀書以自娛。暇則講求岐黃。曰。士不能得志。是亦濟世之一道也。通內外科。多所闡發。每視病必於重。四方延請。雖遠必至。卻饋遺。貧困者以藥助之。嘗為人治發背對口諸症。以古人之法投之。多不效。沈思其故。曰。是非古人之欺我也。特未通其變耳。夫一證之成。其受病必有偏重之處。審其所偏重。而切治。則效可立見也。自是凡治此證。必辨其位之左右上下。色之赤白。深淺。脈之浮沉遲速。以審其筋絡臟腑竅穴之所係。與夫陰陽虛實。淫鬱燥濕之所歸。而復參之天時。相其地宜。以

制五行生克之用。取古人之法。損益變化以通之。於是所
治罔不效。既而先伯父迎養琴江。署舍多暇。乃取歷年醫
案。裁定發背對口治訣幾卷。附錄經驗幾卷。及歸而授之
先君。曰。此書未經人道。勿輕視之。藝雖小。亦足以濟世矣。
先君東環公。暨先叔父東揆公。亦皆以儒術通素理。先君
久戰北闈。未遑展施。先叔父以是道行世。善用先大父遺
法。故所治多奇而中。今先君先叔父相繼逝世矣。為與諸
弟皆材劣。不能通一藝。先人之書具在。徒使置而勿用。是
先人濟世之志。至為等而中絕矣。楊君子逸。夙聞是書。勉
余敬梓。余欣然從之。庶幾先人遺術。傳播四方。高明之士
鑒而採擇焉。未必不有補於世。雖未能述先世之事。猶不
失先世之志也夫。

道光二十年仲春七日孫翼為謹序

上海中醫書局最近出版醫書

方劑類

膏方大全
怪疾奇方
普濟良方
驗方類編

秦伯未
費伯雄
德軒氏
秦伯未

鉛印
鉛印
鉛印
鉛印

平裝
平裝
平裝
平裝

一冊
一冊
一冊
一冊

三角
三角
二角
二角

六折
六折
六折
六折

診斷類

診斷大綱

秦伯未

鉛印

平裝

一冊

二角

六折

雜書類

歷代醫學之發明
國醫小史
醫學筆塵

王吉民
秦伯未
王肯堂

鉛印
鉛印
鉛印

平裝
平裝
平裝

一冊
一冊
一冊

三角五分
二角
四角

六折
六折
六折

掛圖類

銅人經絡圖
骨度部位圖

每組四張附說明書一冊

赤城醫廬製

彩色石印

一元

七折

雜誌類

中醫世界

秦伯未
主編

每二月一期雙月一日出版

(第一年已出齊)

每期二角全年一元一角

家庭醫學雜誌

方公溥
主編

每二月一期單月一日出版

每期一角全年五角

(郵費均六分)

發背對口治訣

毗陵選齋謝應材著

孫翼為且魯校訂

對口發背不拘偏正。只謂形色。色忌晦滯。貴淡紅明潤。形忌歪邪平塌。要尖圓高突。所以高為陽。下為陰。紅為陽。白為陰。有肌膚受寒。毒雖高聳。而亦白者。須用柴葛解肌。或時當寒甚。用淨蘇葉溫餅。使之重汗。俾邪從汗解。若痛在筋骨外。不現形肉色如故。兩脉或弦硬細緊沉伏細滑。則為流注。須用蒼陳朴草蘇葉。不效再用麻黃薑桂附子以解之。麻黃不拘分量。數分起至二錢為止。有乾鶴膝。小腿不但不腫脹。併其上大肉盡去。膝轉看得極大。麻黃一服。即用三錢對口不拘左右。以升陽火為主。右初起柴胡川芎可稍緩。即用升麻。左初起升麻可稍緩。且先用柴葛解肌。

湯。若自左腫至右。自右腫之初。一服升柴川芎。並用桔梗。不拘左右。用錢外至錢半為止。使之載諸藥而上浮。凡耳後腦骨中間。軟堂正中。必用獨活以提腎毒。對口在頭。頭為諸陽之首。雖不高聳。亦不以陰論。止重用發散間。有時值嚴寒無汗不解。用麻黃三五分炒黑。而桂附等藥不用。發背亦然。發背并不宜重用發散。倘至大潰之後。亦清補者多。對乳以上。用桔梗。對乳以下不用。對口右升麻。左柴胡。乃其君也。若火勢炎甚。身熱如炙。痛楚非常。川芎不用。經云川芎佐清陽而升。頭角火炎者宜戒。火熱大痛極紅而老。倘升陽散火無效。一面重加升麻。一面加大黃一二錢。謂之將軍定痛散。發背若大痛楚。亦用定痛散。毒有遊紅嫩紅散。脚紅紅而帶紫如猪肝色。重則用青皮柴胡以

疏肝氣。輕則用柴胡。白蒺藜。丹皮以平之。游紅係絳紅色。亦帶紫。是血分稍虧。陰火上發。輕則用玄參二三錢。如夜加痛楚發熱。則用生地二三錢以滋陰。非此不可擅用。恐導邪入腎。當歸去瘀生新。新會皮和中補胃。二味人稱外科勝藥。病未退切不可擅用。能導邪入胃。乳香沒藥能和氣血。亦能損胃。胃弱者亦戒。至麻黃薑桂說之已詳。大寒如知柏苓連。用亦甚少。非身熱不退不用。黃芩非乾惡。神情煩躁。身熱如爐。不用。黃連非口中大苦。舌苔焦黃而作渴。不用。知母小便短赤。眼睛淚熱。方用。黃柏鹽水炒。脾善唇滋潤。肝善身輕便。肺善聲音响。心善精神爽。腎善水稀長。是謂五善。更有七惡。一惡神昏憤。二惡腰身強。三惡形消瘦。四惡皮膚槁。五惡成消渴。六惡身浮腫。七惡瘡倒陷。

外科正宗善惡論患處梗實。如同負重形。色晦暗歪邪平塌。隱然有黑色在肌肉間。是毒藏於胃不治。何則胃主肌肉。肺主皮毛。且肺屬金。胃屬土。土為金母。煩躁而指頭不紅。肝病神昏心病。口中無味乾弔惡。而飲食不食脾病。肌膚不潤。毛髮乾枯而多痰肺病。小水短赤。骨節疼痛夜不成眠。飲食不消。大便不實腎病。毒色如猪肝無膿者死。潰而不爛。最忌起葡萄挑之肉。腫毒亦腫者佳。肉腫毒不腫者死。去腐生新。形如石榴子者佳。腐肉已脫而有紅絲。絲於其上者死。新肉如板片。不進食者死。又有毒已潰爛。根脚尚不清楚。膿勢亦不湧出。飲食不食。欲攻而毒已潰爛。身軀已弱。欲補而根脚不清。膿不湧。食不食。肺胃邪不退。攻補兩難。經云攻則死。補亦亡。謂和六腑最為良。更有新肉

已滿。外口亦閉。按之不實。如皮袋狀不治。凡至根脚清痛。減膿雖未湧不妨。少用生芪以佐膿。根脚清毒軟痛止。急用炙黃芪山藥。合八珍湯扶正却邪。有受寒板痛毒清。消時不消膿時停。似有誤字。用柴葛白芷以解之。有重用蘇葉合真人活命飲解之。有受暑而然者。用六一散香薷。合真人活命飲。有房欲反覆未潰未膿。用獨活合柴葛湯與活命飲。既潰既膿。用川斷製首烏。輕用活命飲。有受氣而然者。已潰未潰。俱用柴胡青皮鬱金香附。未潰合活命飲。已潰輕用受風而反覆。名為破傷風。不治者頗有。已潰用揀冬二三錢。八珍兼活命飲。未潰用黃芩柴葛與活命飲。婦人產後不可脫去生化湯。胎前帶下。黃芩白朮苧麻根。不可擅用甲片。有白淋者。用石羔腐炒黑為引。赤淋用鹽。

酒腐炒黑。或用龜板。或用烏羔。潰後用川斷。台朮。大熟地。男婦兼血證。引加重。便一大杯。或男人遺精。加蓮鬚。芡實。潰後用連皮建蓮為引。有傷魚積。青果一枚為引。肉積。臘肉。骨灰。加山杏一。飯積。用麥芽神麴。元米積。用白酒。元酒積。用白葛花雞巨子。麴積。用白酒。元厚朴。芋頭積。用陳酒。瓜果積。用草果。麝香。又有潰爛時。受臭香感觸。用羌活。合活命飲。有食冷復發。用半夏。陳皮。沐浴受觸。用柴葛。竟有至痰喘氣急者。加真杜蘇子三錢炒研。枳壳三錢炒。毒有高聳而不紅不痛。是為陽中陰。宜溫解。有平塌而極紅極痛腐爛者。是謂陰中陽。宜清解。凡毒至根脚。清正。四面不痛不硬。患處亦軟。陽宜清補。陰宜溫補。一切未潰。以實論。既潰。以虛論。又有根脚鬆散。紅色甚嬌。紅脚甚嫩。如嫩肉。

狀。且不疼痛。患處雖未潰。而亦軟。舌上清皎。無苔。是大虛之證。發背雖在未潰。一服。即用炙黃芪一兩。夫補宜循序而進。遲補傷元。悞補則加痛。與其悞補。毋寧遲補。如人本質不厚。因遲補而膿不速者。是大約將膿未膿。可用生芪三錢。漸加炙芪錢許。膿出再加炙芪。後不用生芪。大潰大證。芪用至七八錢。甚有至一兩者。大潰未有不氣血兩虧。補氣用參芪。補血用熟地。補血之陽用當歸。丹參。毒至潰後。補氣而外。未有不急補腎水。何則。腎為水。水生木。木生火。火生土。土生金。是水為方物之母。腎右為命門。左為水。為水火既濟。潰後陽證。清補。川斷為清補聖藥。若當溫補。而用川斷。小水必蔽結。清補至邪盡。飲食將復舊。必用大熟地溫補。至飲食復舊。亦可用熟地。必用陳酒煮爛。每兩

加砂仁五六分。清補亦用此法製。又發背有陰陽虛實。夾雜加肉腫。瘡不腫者。即是虛實。夾雜至形狀歪邪。根脚模糊。突起色白。藥不見效。是陰陽夾雜。初起亦用溫散。以觀動靜。然後用人參一二分燉汁。炒花粉肉桂一二分燉汁。炒瓜蒌仁。餘則如常。若患處微似青色。而人易生怒氣。亦用桂製瓜蒌仁。如潰後煩怒。用桂一二分燉汁拌炒。白芍妙。凡毒軟為虛。硬為實。更有腫脹不軟。而亦不痛。是邪在血分。重用荆芥以疏血分之邪。紅色過赤而老。是血分之火。用荆芥穗一二錢。鹽水炒黑。潰後精神弱。不成寐。用遠志肉。開水泡。白茯苓。酸棗仁。不效。再引用龍眼肉。氣血弱。潰不收。用炙肉錢外。或二錢。加炭白朮。白芍土炒。大便不實。弱而不實。色呆白。腹不痛。人懶倦。用升麻數分。白扁豆。

二三錢炒焦。厚朴杜仲。鹽水炒二三錢。實而不食。心口痛。氣飽。用藥隨所食之物以消之。若痢疾胸氣不寬。用炒枳殼。重則佛手青皮。加廣木香厚朴。痢退亦用升麻以提其陽。使之清升濁降。用白扁豆以補其脾。再後用杜仲以佐其火。小便閉用車前二三株。或蔗漿以利之。忌食發物。及生冷洗浴勞動傷悲氣憤。遇寡婦最宜解鬱。毒楚難禁。用炒整甲片。將石膏腐。包好煮滾。以平其燥烈之氣。治病必從其本。食冷反覆。輕則用砂仁以醒胃。重則用半夏以燥胃。病雖有萬殊。救藥及反覆總歸一本。

外科秘法

謝應材先生著

辨證

色紅而高腫。按之而即痛者為陽。色白而平板。按之而不痛者為陰。色浮淡而根脚模糊為虛。色沉著而根盤清正為實。色淡白青而板者為寒。色深紅紫而痛者為熱。審而治之。斯為得矣。

治訣

補則死。攻則亡。調和六腑最為良。

治法

凡初起但用攻發。消去即了。不必補托。若將作膿。方可內托。

見證

伏陰證（外軟內硬。按之而後通者。）伏陽證（外硬內軟。按之即痛者。）半陰半陽證（或外軟內硬。而按之即痛。或內軟外硬。按之而反不痛。或形屬陽而色屬陰。或色屬陽而形反屬陰。是皆陰陽錯亂。治無適從。）法宜調和藏府。變理陰陽。皆用製甘草為君。秘傳君相通神。（審證之輕重。投劑之大小。慎勿誤投。自取背戾。）

大劑大甘草一兩。瓜蒌仁八錢。甲片四錢。中劑大甘草八錢。瓜蒌仁六錢。甲片三錢。小劑大甘草六錢。瓜蒌仁四錢。甲片二錢。更重者加金銀子。（左三十五粒。右四十粒。）日輕夜重者。加炒黑荆芥二錢。極痛而不大便者。加炒黑大黃二錢。肉內陷者。花粉用人參製。色青紫者。瓜蒌仁用肉桂

製。慈心有加開口椒四十九粒。

凡初起方

大貝二錢。白芷一錢。花粉三錢。大甘草六錢。瓜蒌仁四錢。炒研。甲片二錢。炒研。葛根一錢。丹參一錢。殭蠶一錢。炒研。蘇葉一錢。五分。左加柴胡一錢。右加桔梗七分。加酒一大盃。葱頭三個。角針三分。

伏陰證。純陰證。內外板硬。白而不大腫。按而不大痛。覺負重如磨。是皆重證。

蘇葉一錢。大貝二錢。研。白芷一錢。五分。花粉三錢。葛根二錢。丹參一錢。純陰證。可不用。要用。荆芥二錢。左加柴胡一錢。右加桔梗七分。大甘草一兩。梨瓜蒌仁八錢。炒研。甲片六錢。炒研。殭蠶一錢。炒研。澤蘭四錢。

純陰證可不用。伏陰證必用角針三分。荊芥一錢。

伏陽證

大甘草八錢。瓜蒌仁六錢。甲片四錢。蘭澤六錢。
餘與前同。

半陰半陽證（宜調和六腑）

大甘草一兩。製瓜蒌仁八錢。甲片六錢。澤蘭八錢。丹
參三錢。餘藥同前。若勢減收功。手按之而軟者。加芍
歸芍地苓芪人參。若硬者仍帶攻發。宜加金銀子。引
同前。

托膿

（左柴胡一錢。右桔梗七分。）防風一錢。生黃芪一錢。毒
甚者不可用。